

無垢優婆夷問經

元魏婆羅門瞿曇般若流支譯

如是我聞一時婆伽婆住舍婆提城寂靜宮
殿重閣講堂爾時無垢優婆夷賢優婆夷等
諸優婆夷往詣佛所到佛所已頭面禮足禮
佛足已退坐一面爾時世尊即告無垢優婆
夷言汝優婆夷不放逸行懈怠以不優婆夷
言我不懈怠不放逸行佛告無垢優婆夷言
汝常云何不懈怠耶又汝云何不放逸行無
垢優婆夷白佛言世尊我常早起掃佛塔地

當九

二十

掃已塗治四廂四處清淨塗已散華燒香如
是供養然後入房既入房已次復入禪修四
梵行不離三歸受持五戒常恒如是不懈
怠不放逸行無垢優婆夷作是語已復白佛
言世尊我今未知掃佛塔地所有善根得何
福報四廂塗治所有善根得何福報散華燒
香供養佛塔所有善根得何福報禪四梵行
三歸五戒所有善根得何福報唯願世尊爲
我解說佛告無垢優婆夷言掃佛塔地得五
福報何等爲五一者自心清淨他人見已生

清淨心二者為他所愛三者天心歡喜四者
集端正業五者命終生於善道天中無垢當
知掃佛塔地福報如是無垢當知若人信佛
作圓輪形塗佛塔地散華燒香如是供養我
說彼人身壞命終生弗婆提富樂自在於彼
壽終生化樂天當九無垢當知若人信佛作半月
形塗佛塔地散華燒香如是供養我說彼人
身壞命終生瞿陀尼富樂自在於彼壽終生
兜率天無垢當知若人信佛於佛塔邊四方
塗塗散華燒香如是供養我說彼人身壞命

終生鬱單曰富樂自在於彼壽終生跋摩天
無垢當知若人信佛作人面形塗佛塔地散
華燒香如是供養我說彼人身壞命終生閻
浮提富樂自在壽終生於三十三天無垢當
知此塗塔地散華燒香所有善根果報如是
無垢當知若人入禪修四梵行歸佛法僧受
持五戒我說彼人無量無數善根福報無窮
無盡後得涅槃無垢當知若人歸依聲聞緣
覺修集戒聚不能如是無盡涅槃何以故受
持五戒禪四梵行所得果報唯除涅槃更無

處受以福多故世尊爾時如是說已無垢優婆夷心生疑念默而無言爾時世尊知心念已即從面門出廣長舌徧覆自面二耳二眼并二鼻已徧覆虛空覆虛空已還攝入口攝入口已復語無垢優婆夷言汝頗曾見妄語之人兩舌惡口綺語之人有如是色舌相以不爾時無垢優婆夷既聞是語從座而起合掌向佛白言世尊未曾見也有實語者未有此舌況妄語人唯除如來應正徧知無始已來常實語故得如是舌爾時無垢優婆夷知

佛實語離疑心喜以偈讚曰
我於千億劫 不曾憶念見
不憶曾供養 我今日得見
既如是見已 得聞第一法
爾時世尊偈答無垢優婆夷曰
汝聞已成聖 當九 此真勝法寶 廿二 清淨寂靜法
得入涅槃城
世尊說已無垢優婆夷心大歡喜比丘比丘尼優婆塞優婆夷一切衆會天人阿修羅乾闥婆等聞佛說已讚言善哉

此經人天因亦是涅槃道行者向人天

亦趣涅槃門
譯此經功
普施諸衆生

願速修因道
得人天涅槃

無垢優婆夷問經

音釋

殞殮
切殞必殮
殮殮
殮殮刃猶切
殮殮
安厝力也
竿
壓側革切
漚
起拘

舍羅方楚語也此云霍盧郭切與霽調切文紡

也
掠打離也切
咎捶丑也知切
癰老病中也切
塞吃居塞

饕餮切
 言居乙切
 難也切
 擘博陌切
 鉞也切
 鮒同語居切
 捕魚也與漁

恪苦各切
敬謹也
駢五駢切
癡也